



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-49-2-2090/17

Datum: 20.09.2017. godine

Na osnovu člana 8. Zakona o ministarskim, vladinim i drugim imenovanjima FBiH ("Službene novine FBiH" broj: 12/03, 34/03 i 65/13), člana 8. Odluke o utvrđivanju Standarda i kriterija za imenovanje na upražnjene pozicije u reguliranim tijelima Općine Tešanj ("Službeni glasnik Općine Tešanj" broj 8/03, 1/04, 10/06 i 10/16) i člana 30. Statuta Općine Tešanj ("Službeni glasnik Općine Tešanj" broj: 11/07), Općinski načelnik objavljuje

**JAVNI OGLAS  
za nominovanje/imenovanje kandidata za članove  
Nadzornog odbora JP "TOPLANA" d.d. Tešanj**

**I Naziv pozicije**

Nadzorni odbor.....3 (tri) člana nadzornog odbora na period od četiri godine.

Dva člana nadzornog odbora se nominuju ispred osnivača Općine Tešanj, a treći član se nominuje uslovno ispred osnivača za slučaj da se na Skupštinu društva ne prijave kandidati iz reda ostalih dioničara ili se prijave kandidati iz reda ostalih dioničara koji ne ispunjavaju uslove.

**II Opis pozicije:**

Nadzorni odbor društva ima slijedeće nadležnosti:

- bira predsjednika nadzornog odbora;
- nadzire poslovanje društva;
- usvaja poslovne strategije društva i planove poslovanja;
- nadzire rad uprave, te odobrava odluke strateškog karaktera;
- usvaja izvještaj uprave o poslovanju po polugodišnjem i godišnjem obračunu sa bilansom stanja i bilansom uspjeha i izvještajem revizije;
- podnosi skupštini godišnji izvještaj o poslovanju društva koji obavezno uključuje finansijski izvještaj i izvještaj revizora, nadzornog odbora i odbora za reviziju;
- bira upravu i sekretara društva;
- predlaže raspodjelu i način upotrebe dobiti i način pokrivanja gubitka;
- odobrava kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33 % knjigovodstvene vrijednosti ukupne imovine društva po bilansu stanja na kraju prethodne godine;
- predlaže skupštini kupovinu, prodaju, zamjenu, uzimanje ili davanje u lizing, uzimanje ili davanje kredita i druge transakcije imovinom, direktno ili posredstvom supsidijarnih društava u toku poslovne godine u obimu većem od 33 % knjigovodstvene vrijednosti ukupne imovine društva po bilansu stanja na kraju prethodne godine;
- imenuje predsjednike i članove pododbora zavisno o procjenjenim potrebama;
- obrazuje povremene komisije i utvrđuje njihov sastav i zadatke;
- odobrava emisiju novih dionica postojeće klase u iznosu do trećine zbira nominalne vrijednosti postojećih dionica i određuje iznos, vrijeme prodaje i cijenu ovih dionica koja ne može biti manja

od prosječne tržišne vrijednosti postojećih dionica iste klase u 30 uzastopnih dana prije dana donošenja odluke.

### **III Kandidat za nominovanje/imenovanje mora ispunjavati sljedeće opće uslove:**

1. da je državljanin Bosne i Hercegovine;
2. da je stariji od 18 godina i mlađi od 65 godina;
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja ovog javnog oglasa;
4. da nije pod optužnicom Međunarodnog suda za ratne zločine u bivšoj Jugoslaviji (član IX. 1 Ustava Bosne i Hercegovine);
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH (Službene novine FBiH“, broj: 12/03, 34/03 i 65/13);
6. da nije član organa zakonodavne, izvršne ili sudske vlasti u smislu Zakona o sukobu interesa u institucijama vlasti Bosne i Hercegovine;
7. da nema privatni finansijski interes u reguliranom organu u koji se kandiduje;
8. da nije osuđivan za krivično djelo i za privredni prijestup koji je nespojiv s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne;
9. da mu presudom suda nije zabranjeno obavljanje aktivnosti u nadležnosti nadzornog odbora.

### **IV Kandidat za nominovanje/imenovanje mora ispunjavati pored općih uslova i posebne uslove:**

1. visoka ili viša stručna sprema;
2. 5 (pet) godina radnog iskustva;
3. da nije član upravnog ili nadzornog odbora u više od jednog reguliranog organa.

### **V Za prijavu na javni oglas kandidat je dužan dostaviti sljedeću dokumentaciju (original ili ovjerenu kopiju):**

1. prijavu sa biografijom;
2. ličnu kartu;
3. diplomu kao dokaz o završenoj stručnoj spreml;
4. uvjerenje o radnom stažu izdano od strane Poreske Uprave ili potvrda izdana od strane poslodavca, kao dokaz o radnom iskustvu;
5. ovjerenu izjavu da ispunjava opće i posebne uslove predviđene ovim javnim oglasom (obrazac izjave može se preuzeti elektronski na web stranici Općine Tešanj ili na šalteru Općine).

Prijavu na oglas i sve tražene dokumente treba dostaviti u roku od 15 dana od objave javnog oglasa u „Službenim novinama FBiH“ lično ili poštom na adresu:

**OPĆINA TEŠANJ**  
**Trg Alije Izetbegovića br.1**  
**74260 Tešanj**

sa naznakom:  
**KOMISIJA ZA IZBOR**  
**“Prijave za nominovanje/imenovanje**  
**kandidata za članove Nadzornog odbora**  
**JP “Toplana” d.d. Tešanj”**



Sa kandidatima koji budu ispunjavali sve potrebne uslove bit će obavljen intervju.

Podnosilac prijave sa kojim je nemoguće stupiti u kontakt u roku od 8 dana od dana isteka roka za podnošenje prijave, neće biti uzet u razmatranje u daljem procesu imenovanja.

Sve informacije u toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka ("Službeni glasnik BiH", broj: 49/06 i 76/11).

Za provođenje procedure Općinski Načelnik u skladu sa ovlaštenjima iz člana 8. Odluke o utvrđivanju Standarda i kriterija za imenovanje na upražnjene pozicije u reguliranim tijelima Općine Tešanj imenuje Komisiju za izbor koja je dužna nakon izvršenog intervjua sa prijavljenim kandidatima, putem pisane preporuke, predložiti rang listu sa najboljim kandidatima Općinskom načelniku na postupak u skladu sa članom 12. Zakona o ministarskim, vladinim i drugim imenovanjima FBiH, a konačno imenovanje članova nadzornog odbora, nakon potvrde Općinskog vijeća Tešanj, izvršiti će Skupština javnog preduzeća.

**Kandidat koji bude izabran dužan je u roku od 8 (osam) dana dostaviti:**


- uvjerenje da nije osuđivan za krivično djelo i privredni prijestup nespojiv s dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne;
- uvjerenje da mu presudom suda nije zabranjeno obavljanje aktivnosti u nadležnosti nadzornog odbora;
- uvjerenje o državljanstvu (ne starije od šest mjeseci);

Nepotpune, neblagovremene i neuredne prijave neće se uzeti u razmatranje.

Javni oglas će biti objavljen u "Službenim novinama FBiH", dnevnom listu "Oslobođenje" i na web stranici Općine Tešanj.

**Dostavljeno:**

1. „Službene novine Federacije BiH“,
2. „Oslobođenje“,
3. web stranica Općine Tešanj,
4. a/a.

**OPĆINSKI NAČELNIK**  
Mr. sci. Suad Huskic

